

KOLEKSI PANTUN PATRIOTIK

Indah berseri cincin delima,
bertatah permata elok dipakai,
malaysia kini 52 tahun merdeka,
negara kita aman dan damai.

Pakai baju baju kebaya,
buat bersanding pengantin berseri,
bersatu padu rakyat sejahtera,
sama-sama bersaing memantap ekonomi.

Halus teratur jambangan cempaka,
di tepi jejawi molek kedidi;
takkan luntur semangat merdeka,
dijulang pertiwi sentosa abadi.

Remaja kini menjulang nusa,
bagai cahaya menyeri pandangan;
malaysia harmoni aman sentiasa,
dengan adanya pemimpin sanjungan.

Pergi ke kedai membeli asam,
Asam dibeli bersama gula,
Semangat patriotik harus ditanam,
Supaya diri cintakan negara.

Setiap hari makan roti,
Roti diletak ditepi lilin,
Undang-undang negara perlu dipatuhi,
Supaya hidup lebih berdisiplin.

Musim manggis sudah tiba,
Manggis dimakan ketika memandu,
Kerjasama penting antara kita,
Supaya hidup lebih bersatu.

Jalur gemilang bendera kita,
Megah berkibar di pagi hari,
Selalu kita berdoa padaNya,
Supaya negara aman harmoni.

Mewangi harum taman astakona,
Tempat bermain puteri bunian;
52 tahun Malaysia merdeka,
Negara maju menjadi impian.

Daun sirih di dalam dulang,
Menjadi hantaran majlis beradat;
Rakyat dibela pemimpin dijulang,
Malaysia merdeka kekal berdaulat.

Rembulan beradu indahny nian,
Cahaya bersinar satu purnama;
Negara sejahtera tanpa ancaman,
Rakyat bahagia bersatu bersama.

Burung merpati terbang di awan,
Senja menjelang ditangkap helang;
Remaja berkualiti penjana wawasan,
Malaysia cemerlang gemilang terbilang.

Sampan kolek menuju ke hilir,
Sarat muatan si buah kelapa;
Jangan berkata hanya di bibir,
Cintakan Negara apa buktinya?

Sesak sungguh di kaki lima,
Penat berjalan sakitlah peha;
Malaysia Boleh slogan bersama,
Asalkan ada daya usaha.

Pakai TMNET jalur lebar,
Yuran mahal tidak sia-sia;
Jalur Gemilang megah berkibar,
Simbol perpaduan rakyat Malaysia.

Bahasa Melayu ejaan rumi,
Mula belajar di rumah lagi;
Agama Islam agama rasmi,
Rukun Negara wajib dipatuhi.

Cantiknya gelang pada ukiran,
Diserikan pula emas permata,
Biar hilang nyawa dibadan,
Jangan kita berputih mata.

Burung camar di sawah padi,
Luka berdarah diikat tali,
Jika patriotisme Kurang disemadi,
Mungkin sejarah berulang kembali.

Lagu negaraku lagu kebangsaan,
Dihafal dan diingati oleh semua,
Tugu negara lambang pengorbanan,
Pembakar semangat kepada semua.

Lagam dan gangsa senang didapati,
Dijadikan dulang untuk hantaran,
Slogan kemerdekaan sentiasa dihayati,
Rakyat didahulukan pencapaian diutamakan.

Negara Malaysia maju sentosa,
didiami penduduk berbilang kaum,
suasana aman harmoni sentiasa,
dihormati manusia pelbagai umum.

Pembangunan pesat serata negara,
kemajuan dicapai beransur-ansur,
sinarnya nama bak mutiara,
kekallah Malaysia sentiasa makmur.

Semangat perpaduan amat diutamakan,
jasa dan keringat sentiasa dijulung,
kebijakan rakyat didahulukan,
agar pencapaian sentiasa cemerlang.

Sengsara derita semakin hilang,
hasil pengorbanan pahlawan hebat,
kejayaan dicipta kian gemilang,
berkat doa rakyat sepakat.

Obor semangat marak menyala,
Mengungkap kisah masih terpana,
Mengunjung obor sepakat bersama,
Demi api perpaduan teras kejayaan.

Biru, merah jadi panduan,
Putih, kuning jadi harapan,
Ayuh semai benih kesepakatan,
Kerana perpaduan teras kejayaan.

Obor itu masih menyala,
Menguntum harapan bersama-sama,
Memberi puspawarna yang bermakna,
Membayar kejayaan ke mata mayapada.

Dunia kita bukan hanya di sini,
Dunia kita di puncak kagungan pertiwi,
Ayuh kita melangkah ke hadapan,
Membina kembali kegemilangan.

Langkah sumbang salahkan lantai
Binasa badan bicara tak kawal
Pinggirkan ketuanan negara tergadai
Hilang maruah bangsa terjual.

Tanah ini Tanah Melayu
Pedagang datang ingin berniaga
Serahkan budi bukan tanahmu
Pertahankan negara, pertahankan bangsa.

**Jalur Gemilang bendera negara,
Tanda Malaysia negara merdeka,
Sambutan kemerdekaan besar ertinya,
Jangan dinodai dengan dosa dan noda**

**Jalur gemilang berkibar megah
Lagu Negaraku berkumandang indah,
Apakah erti kemerdekaan dari penjajah,
Tapi budaya dan pemikiran masih dijajah**

**Tanah Melayu tertubuhlah sudah,
Tanggal 31 Ogos '57 hari merdeka,
Wahai kengkawan jagalah maruah,
Budi bahasa, budaya bangsa rakyat merdeka.**

Jalur Gemilang bendera bertuah
Rakyat Malaysia berasa megah
Hidup bahagia tiada resah
Kerana negara merdeka sudah

Jalur Gemilang lambang bersatu
Merah, kuning, putih dan biru
Bulan bintang menghiasi penjuru
Empat belas negeri menjadi padu

Di merata tempat megah berkibaran
Lambang demokrasi dan kemerdekaan
Penuh kedaulatan dan kebebasan
Seiring dengan semangat perpaduan

Putih dan merah suci berani
Menyeru rakyat membangunkan negeri
Menentang musuh yg hasad dengki
Mempertahankan negara setiap inci

Pelbagai bangsa berlainan bahasa
Jalur gemilang menyatukan semua
Teguh, bersatu dan bekerjasama
Tanda sepakat aman sentosa.